



Broj: **06/04-11-8-2-R15-2/26**  
Zenica, 10.07.2026. godine

Na osnovu člana 70. Zakona o javnim nabavkama („Sl. glasnik BiH“, broj 39/14, 59/22), a u skladu sa Izvještajem o radu Komisije broj: 06/04-11-8-2-R15-2/26 od 07.07.2026. godine i Preporukom Komisije za provođenje postupka javne nabavke broj: 06/04-11-8-2-R15-2/26 od 07.07.2026. godine, u postupku javne nabavke robe za rekonstrukciju i modernizaciju postojećeg sistema vatrodajave u zgradi Kantonalnog tužilaštva ZDK, v.d. glavnog tužioca Kantonalnog tužilaštva Zeničko-dobojskog kantona, donosi:

## **ODLUKU** **o izboru najpovoljnijeg ponuđača**

### **Član 1.**

Za najpovoljnijeg ponuđača po provedenom postupku javne nabavke roba za rekonstrukciju i modernizaciju postojećeg sistema vatrodajave u zgradi Kantonalnog tužilaštva ZDK izabran je ponuđač: „**Supernova**“ d.o.o., Dolina bb, Zavidovići, sa cijenom ponude u iznosu od **17.980,00 KM bez PDV-a**, broj ponude: IP-4415/26 od 26.06.2026. godine.

### **Član 2.**

Prijedlog Ugovora o nabavci roba dostavit će se na potpis izabranom ponuđaču iz člana 1. ove odluke.

### **Član 3.**

Za izvršenje ove odluke zadužuje se Odsjek za finansijsko materijalne poslove.

### **Član 4.**

Ova odluka stupa na snagu danom donošenja.

### **Član 5.**

Ova odluka objavit će se na web-stranici [www.kt-zenica.pravosudje.ba](http://www.kt-zenica.pravosudje.ba), istovremeno sa upućivanjem ponuđačima koji su učestvovali u postupku javne nabavke u roku od 7 dana, shodno članu 70. stav 6. i člana 71. stav 2. Zakona o Javnim nabavkama BiH.

### **Član 6.**

Sastavni dio ove odluke je Zapisnik o pregledu i ocjeni ponuda broj: 06/04-11-8-2-R15-2/26 od 07.07.2026. godine.

## **O b r a z l o ž e n j e**

Na osnovu Izmijenjenog i dopunjenog Plana javnih nabavki broj: 06/04-11-8-2-1/26 od 12.01.2026. godine, Odluka o pokretanju predmetnog postupka nabavke sačinjana je i donesena pod brojem: 06/04-11-8-2-R15-2/26 od 19.06.2026. godine. Postupak javne nabavke pokrenut je putem portala Javne nabavke.

Procijenjena vrijednost javne nabavke, bez PDV-a, iznosila je **18.000,00 KM**.

Obavještenje o tenderskoj dokumentaciji objavljeno je na portalu Javnih nabavki dana 19.06.2026. godine u 15:30<sup>h</sup> pod brojem: **5486-7-1-42-3-15/26**.

Komisija za provođenje postupka javne nabavke, imenovana Rješenjem broj 06/04-11-8-2-2/26 od 27.01.2026. godine, sačinila je Zapisnik o pregledu i ocjeni ponuda sa Izvještajem o radu Komisije i Preporukom komisije o izboru najpovoljnijeg ponuđača u predmetnom postupku.

U postupku donošenja Odluke o izboru najpovoljnijeg ponuđača utvrđeno je da je Komisija za provođenje postupka javne nabavke blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- a) da je ukupan broj pristiglih ponuda **1 (jedna)**,
- b) da je blagovremeno zaprimljeno **1 (jedna) ponuda**,
- c) da nije bilo neblagovremenih ponuda,
- d) da nije zakazana i održana e-Aukcija s obzirom na to da je u roku za dostavu ponuda zaprimljena **samo jedna prihvatljiva ponuda**. U skladu sa članom 4. stav (2) Pravilnika o uvjetima i načinu korištenja e-Aukcije ("Službeni glasnik BiH", broj 80/23), u slučaju prijema jedne prihvatljive ponude e-Aukcija se ne zakazuje, jer ne postoji zakonska mogućnost za provođenje postupka elektronskog nadmetanja.
- e) da je najpovoljnija ponuda ponuđača „**Supernova**“ d.o.o. sa ukupnom cijenom bez PDV-a **17.980,00 KM**.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda shodno kriterijima iz Tenderske dokumentacije.

U postupku ocjene provedenog postupka, nisu nađeni razlozi za nepravilnosti i propuste u radu, koji bi bili osnova za neprihvatanje Preporuke Komisije za provođenje postupka javne nabavke. Izbor najpovoljnijeg ponuđača izvršen je u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da izabrani ponuđač „**Supernova**“ d.o.o. sa ukupnom cijenom bez PDV-a **17.980,00 KM**, primjenjujući kriterij najniže cijene tehnički zadovoljavajuće ponude, ima najpovoljniju ponudu.

Shodno navedenom odlučeno je kao u dispozitivu ove odluke.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi BiH putem Kantonalnog tužilaštva Zeničko-dobojskog kantona, najkasnije u roku od **5 (pet)** dana od dana prijema odluke.

Dostavljeno:

- 1x Učesnici u postupku javne nabavke
- 1x Portal javne nabavke
- 1x Web portal KT ZDK
- 1x a/a



Akt pripremio:

Akt pregledao: